

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
KANTONALNO TUŽILAŠTVO – TUŽITELJSTVO  
ZENIČKO-DOBOJSKOG KANTONA**

Broj: T04 0 KT 0045834 22  
Zenica, 18.10.2024. godine

**OPĆINSKOM SUDU U ZENICI  
ZENICA**

Na osnovu člana 45. stav 2. tačka i), u vezi sa članom 241. Zakona o krivičnom postupku Federacije Bosne i Hercegovine, p o d i ž e m

**OPTUŽNICU**

Protiv:

**E. R.**, neosuđivan,

što je:

U vremenskom periodu od 31.12.2018. godine do 03.01.2019. godine, u Zenici, u službenim prostorijama Policijske uprave I Zenica, Policijska stanica Crkvice, dovođenjem ovlaštenog službenog lica Policijske stanice Crkvice najprije učinio da isto u javnoj ispravi ovjeri što god neistinito što treba služiti kao dokaz u pravnom prometu, što je i htio, a potom takvu ispravu i upotrijebio svjestan i znajući da je neistinita, na način da je dana 31.12.2018. godine u 08,50 sati došao u prostorije Policijske stanice Crkvice i usmeno prijavio da je na području Zenice u posljednjih petnaest dana izgubio potvrdu o registraciji vozila broj: A... i potvrdu o vlasništvu vozila broj: B..., obje izdate od strane Ministarstva unutrašnjih poslova Zeničko – dobojskog kantona, Zenica, iako je znao i bio svjestan da ti dokumentni nikada nisu ni bili u njegovom posjedu i da ih je N.M. još tokom aprila mjeseca 2018. godine prilikom prodaje vozila marke „Mercedes Benz E200“ na koje vozilo su se navedeni dokumenti i odnosili, predao D. J., pa mu je na osnovu ovakve lažne izjave ovlašteno službeno lice PS Crkvice izdalo Potvrdu od 31.12.2018. godine, kojom se potvrđuje ta njegova neistinita prijava - izjava, što je i htio, da bi istu Potvrdu upotrijebio dana 03.01.2019. godine u Zenici, na način da je istu priložio uz svoj zahtjev za pokretanje postupka za izdavanje isprava o vozilu kod nadležnog Odsjeka za administraciju, Sektora za administraciju Ministarstva unutrašnjih poslova Zeničko – dobojskog kantona, Zenica, iako je znao i bio svjestan da je navedena Potvrda sa neistinitim podacima, što je i htio, nakon čega mu je na osnovu te Potvrde izdata nova Potvrda o registraciji serijskog broja A... i Potvrda o vlasništvu vozila broj: B...,

čime je počinio krivično djelo „Ovjeravanje neistinitog sadržaja“ iz člana 375. stav 1. i krivično djelo „Ovjeravanje neistinitog sadržaja“ iz člana 375. stav 2. u vezi sa članom 54. Krivičnog zakona Federacije Bosne i Hercegovine.